

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Ilijaš ("Službene novine Kantona Sarajevo", broj 23/04) načelnik Općine Ilijaš, dana 08.01.2016. godine, verificovao je i donio

### ODLUKU

#### O KOREKCIJI REGULACIONOG PLANA "SREDNJE"

##### Član 1.

Usvaja se korekcija Regulacionog plana "Srednje" (u daljem tekstu: korekcija Plana).

##### Član 2.

Korekcijom Plana je omogućena izgradnja proizvodno-poslovnog objekta upravne zgrade sa proizvodnom halom u kojoj bi se proizvodili i sklapali mašinski dijelovi za liftove na parceli k.č. 377, k.o. Srednje, novoplanirana parcela broj 52.

Na novoplaniranoj parceli 52. planirani su: administrativni objekat dimenzija 10 m x 20 m, spratnosti SPI i proizvodna hala dimenzija 20m x 54m spratnosti SP.

Korekcijom plana je obuhvaćena korekcija regulacije rijeke Rače, mosta i pristupne saobraćajnice.

Sve je prikazano na grafičkom prilogu br. 2.

##### Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Regulacionog plana "Srednje" ("Službene novine Kantona Sarajevo", broj 14/13).

##### Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Izmjene i dopune regulacionog plana Hrasno II" ("Službene novine Kantona Sarajevo", broj 7/05), te pribavi saglasnosti nadležnih javnih komunalnih preduzeća.

##### Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Ilijaš, Zavoda za planiranje razvoja Kantona Sarajevo, i Ministarstva prostornog uređenja i komunalnih poslova Kantona Sarajevo.

##### Član 6.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-23-105/16  
08. januara 2016. godine

Načelnik Općine Ilijaš  
Akif Fazlić, s. r.

